

白川劉公奏議卷之四

交代疏

欽差總督薊遼保定等處軍務無理糧餉兵部右侍郎兼都察院右僉都御史臣劉應節謹

題爲交代事臣先任都察院右副都御史巡撫順天等府地方隆慶四年十月十三日伏蒙

聖恩陞臣兵部右侍郎兼都察院右僉都御史總督薊遼保定等處軍務臣感激

天恩焚香叩頭向

闕遙

謝外卽於十一月初四日前到密雲與原任總督今陞協理戎  
政都察院右都御史兼兵部左侍郎譚綸交代任事訖爲  
此具本專差千戶張世勳親齎謹具題

知

隆慶六年十一月初六日

循例舉防將領等官以昭勸懲疏

臣訪得協守東路副總兵胡守仁有驍健之資諳韜鈴之  
略推心馭下三軍懷挾纊之恩抵掌談兵諸將動請纓之  
氣治營則旌麾之色不辱督邊則臺樓之制獨雄協守西  
路副總兵李超矢心許國奮志平胡練車騎則部伍分明  
甲兵素富於胸中勘邊工則山川徧歷指畫如運諸掌上  
分守墻子嶺副總兵張臣氣奮鷹揚勇悍猿臂生擒賊夷  
而入龍王谷尖夜免被撲之虞羣驅胡騎以填棒槌崖虜  
首絕竊窺之念修戰臺則諸山之險悉控增懸樓則五寨  
之守彌堅分守古北口副總兵董一元力能扼虎氣欲吞

牛邢家屯而禦方張之虜已彰衝擊之威義院口而追情  
歸之夷尤多俘馘之績分守黃花鎮副總兵程九思忠誠  
夙秉謀勇兼資兩任墻古衝邊已著無前之績再調

山陵重地尤多善後之圖修臺則樓堞雲連置砲則山原雷動  
太平寨叅將羅端夷妻從戎地險夷情歷歷真如拍掌誓  
心滅虜兵機膽略色色皆能過人李家莊之戰績不磨太  
平寨之修守尤著燕河營叅將史綱久歷邊陲熟知戎務  
更旗被則行間之耳目一新繕繕臺則塞上之金湯自固  
艱辛不避卽羊腸鳥道皆其坐陟之區清苦自甘雖羸馬  
敝裘曾無怨尤之色

叅將孫山丈人之度廉士之

操草占役惟從牢伴行伍因而日充勾空  
令爲之自肅臺工足稱壯麗關隘尤慎譏查振武管叅將  
蔡助議事動中機宜守已曾無粉飾分廩糧以修鎧甲行  
陣之氣色倍增捐菜圃以造營房軍士之歡聲自動密雲  
標下左營叅將李如櫝發跡武科究心文事出師則秋毫  
不擾遇敵則攘臂先登勇足濟其才心實雄于視遠  
將聶大經持心履道矩矱雅若儒生抵掌談兵韜鈴練如  
宿將力革衛所侵漁之奸嚴飭道路巡警之法松棚谷遊  
擊張拱立暢達機宜沉潛韜畧督工則胼胝手足甘苦必  
與士同防邊則上下山原勤勞每以身倡撫數百之弱卒

控百里之衝邊撐持曲盡其心缺望不形於色遵化標兵  
營遊擊孫朝梁關右名流忠臣後裔仗劍期成乎先志扼  
腕必報乎父讐事無矯飾諸務皆以身親法尚嚴明三軍  
因而骨悚鞏華營遊擊李時熊虎竒資于城利器曾計擒  
西山之寇已識萬全之謀今坐銷北塞之塵無負一面之  
寄三屯營標兵遊擊王通慎經戰陣習見腥羶夙志平胡  
雅有一腔忠赤奮身禦虜猶存遍體傷痕勇獨爲諸將之  
先才足當前鋒之任保河營遊擊史宸馭下得操縱之宜  
督邊知緩急之等務六月塞卽被撲之尖哨奮勇奪回謹  
誠示人雖憤訟之刁軍恣心向化軍門中軍大寧都司  
以平剛正不阿清白自檢傳宣號令能孚上下之情陳議  
邊情足備戰守之選遵化守備任良相才猷老練將才與  
吏事無通心地謙虛持已與處人俱善飭科條以嚴城守  
懸厚賞以購奸夷永平守備李沛抗節不屈於權要雖蒙  
詎而不辭執法能行於刁頑期令出而弗反修城已見保  
障之功種樹尤多經畫之法界嶺口守備王軫愛士真如  
嬰兒持身猶若處子地經殘破之後而召軍補馬依然全  
部之貔貅路當胡虜之衝而繕堡增臺屹然重關之虎豹  
喜峰口提調楊秉中軀幹不羣技藝絕衆詢遠近之夷情  
明如秉燭談戰守之兵務捷若探囊屬夷悉已歸心士卒

樂於用命大安口提調陶世臣革墩軍月辦之錢執撫夷  
歲賞之額督臺則雨夜不懈三軍感甘苦之同治家則四  
壁瀟然一堡起廉能之譽鎮虜營提調張應時機警足智  
倜儻多才修邊工每以身先故兩防之完報獨蚤遣哨夜  
必以恩結故諸夷之情僞先知及照臣標下中軍原任叅  
將今充爲事官張功驍健足稱勇將誠慤乃爲君子督新  
軍之糧餉出納不爽鎔銖練標下之車營闔闢曲盡變化  
守惟堅乎一節勞已効於六防遊擊盧國讓隨山取石製  
砲幾三十餘萬之多相地施機備邊凡二千餘里之遠倘  
用之有效奚啻百萬之甲兵且取之無窮僅同尋常之至  
礪以上各官皆有功邊方均當薦揚內羅端孫山應時

陶世臣各歷任年久張拱立頻年入衛楊秉中職司首路  
俱應加陞官銜仍各地方照舊供職張功應量復祖職以  
備別用盧國讓則年力衰頹疾病沉痾應量加副叅虛銜  
容令致仕者也臣又訪得石門寨叅將李珍年邁應量加  
叅將銜以備管中執事之用也乃今包納月  
錢而另抽各提之額軍以充役使養廉地土原以備將官  
供億之需也乃分給部伍而勒扣各軍之糧銀以入私囊  
大毛山提調張紆聞葺無謀屢被賊夷之挾賞貪求有跡  
不恤載道之怨言令家人冒缺而食軍糧則每月七石指

上司按臨而肆科索則每軍數錢以上二臣皆貪饕不職所當速為罷斥者也伏乞

勅下該部再加查訪如果臣言不謬將胡守仁等附簿擢用羅端等加陞職銜張功量復祖職盧國讓加銜准令致仕李珍等革任回衛庶間外人才益圖効用之忠而

畿內重鎮可收得人之効矣

隆慶四年十一月 日

薦舉兵備官員以慎固邊圉疏

臣訪得昌平道兵備宋守約任久而才猷益練宦成而操立尤多內築重城之備使

輦轂之蒼生共保無疆之業外設層臺之險俾

陵園之王氣永符有道之長振法則羣僚自肅積年之奸蠹皆清談兵則老將弗如諸邊之鎖鑰日固此一臣貪望已深勛猷猶著相應破格超擢以待異才者也乞

勅該部再加查訪如果臣言不謬乞將宋守約破格擢用庶幾久勞之臣不致獨賢之嘆矣

隆慶四年十一月 日

循例舉劾有司官員以昭勸懲疏

臣訪得河間府同知管通州事劉耀武駕馭長才盤錯利  
器郡當孔道應酬不窘于繁難地近都門抗法不撓于權  
貴爲政綽有良吏之風談兵尤見丈人之略永平府同知  
賀溱敦龐之貌誠懇之心聽斷不任喜怒務協情法之中  
查盤耻事煩苛適見寬嚴之體通判趙元咎年資清雅德  
器安和視篆則案牘不留剖決敏于迎刃之利督邊則山  
原徧歷經畫明于指掌之間居庸管關通判法暉文章飾  
治廉節裨身監礦則身親出入之防水玉無私譏關則力  
嚴服語之辨奸伏畢發薊州管餉通判王建猷介之守經

濟之才議事動中肯綮上官每爲之改容籌邊尤合機宜  
老將亦爲之退舍通州知州管房山縣事李琮才足剗繁  
剛能任怨力抗權豪一身之利害弗恤議脩城郭百年之  
保障攸資固安縣知縣馮子履金玉之資水燬之守法行  
而請託者自息心虛而質成者如歸治寇盜則訓練與巡  
警皆嚴救水火則賑恤與疏排並舉遷安知縣趙雲翔才  
守無疵文武足憲繩治奸豪案上之風雷自肅議陳邊事  
胸中之兵甲尤多遵化知縣王宣化赤子之心老吏之才  
當盤錯而操割自如抑豪猾而聲色不動行法始于左右

羣吏憚若威神施惠先乎困窮四境稱爲福罹實抵知縣  
劉不息英偉丰標高明器識清查庫藏大發積積俸沒之  
奸點檢簿書盡結累年留滯之案撫寧知縣李一本年清  
而才則練政寬而法必嚴調停徭賦之篇疲民頓有起色  
創築衝關之荒險邑無慮邊聲大城知縣趙德光循吏之  
政慈母之心一味博節雖衝疲而民不告病多方賑恤經  
水旱而歲若無災以上諸臣皆廉勤公謹所當薦揚者也  
又訪得武清知縣龐賢年非不壯而志已頹才亦有爲而  
事坐廢荒酒麴藥性一醉而日富沉迷簿領曾一籌之莫  
展修城大役也縱下人之賣夫作弊竟廢工于半途勘災  
急務也憑上司之催符如雨未聞報乎一字盜賊縱橫于



國門但坐視而不問老稚展轉于溝壑若塞耳之無聞夫武清之困救極矣時方興大工罹大災而本官以優柔處之何能濟事相應降調簡僻地方以示曲全或姑容戒飭俾知警省策勵以圖後報者也乞

勅該部再加查議如果臣言不謬將劉耀武等循資徵擢龐賢乞爲降調或姑容戒飭以圖後効庶賢者益勵不肖者知

懲今日

畿輔之間將盡爲循良之吏矣

隆慶四年十一月 日

增設重險以保萬世治安疏

准巡撫右僉都御史楊兆咨准臣咨前事煩查會議題

准應建敵臺

請發銀兩查議明白咨報以憑會題等因准此行據密雲等道兵備副使等官王惟寧等各呈報原領部發銀兩并造完臺數及支給過并存剩銀兩各數目前來爲照薊昌二鎮雖山勢層疊頗稱險阻然而平漫可通虜者蓋十之五六亦雖建有墻垣頗堪據守然而低薄不足恃者蓋十之七八今議依山而爲城復跨墻而爲臺且規制弘壯形勢密比在我據便利之勢在敵苦仰攻之難且將士之棲食有

資矢石之積貯無盡設險扼衝居佚待勞防邊上計恐無善於此者查得隆慶三年春秋兩防共完臺四百七十二座四年春秋兩防完臺三百九座雖應脩臺數尚未周全虜馬遂疑而不進我軍輒恃以無恐此正爲山缺一簣掘井及九仞之時也前項未完臺工委不可緩臣督同撫鎮兵備及各路副叅遊守等官再四查勘衝要隘口應脩臺工大約不過前數其餘多係緩僻但通單騎單人去處卽塹山堙谷便成險絕或不得已而爲臺恐不必取合今制亦不必取盈前議一千五百之數而虜馬無能入矣計隆慶五年應造臺二百四十八座每臺以百兩爲率共該銀二萬四千八百兩誠恐各路仍有未盡應添臺工亦當預備除見在支剩銀一萬七千四百六十三兩一錢七分八厘外尚該量發銀一萬兩伏乞

勅下該部再加查議將臺工銀如數發下解送巡撫都御史楊兆處分發各兵備道轉數支用待工完之日容臣等再行查勘果有衝要去處臺空稀疎者卽議行補造若衝處臺工勢已聯絡緩處險阻不必脩築亦卽另議具

奏停止其各該効勞員役通容臣等分別

奏報施行再照成大功者不惜小費不一勞者不獲永逸今薊昌二鎮應脩緊要敵臺尚有二百四十餘座若如前議

宣大遼東之兵止令辦料延寧固原之兵特免脩築則前  
項敵臺俱責成主兵與班軍爲之矣人力有限完報愈難  
不惟人情厭苦茫無了期抑且邊防空疎亟難恃賴合無  
容臣將本鎮主兵及遊兵班軍照舊脩工外其督撫鎮協  
標兵并宣大遼東延寧固原等處入衛客兵各除挑選援  
兵另行操練待戰外其餘坐食無益乘此春防警緩斟酌  
人力多寡量派助工較之上年春防派脩之數姑爲減半  
以節其力臣亦不時厚加犒賞庶幾人有餘力工無後期  
衆輕事舉早畢畚鍤之役一勞永逸得專練戰之圖似亦  
計之得也均乞

聖裁

勅部併議施行

隆慶五年正月初四日

分佈兵馬以飭春防疏

照得隆慶五年春月已臨塞草將發正係狂虜謀動之日  
所據防春事宜合行亟處臣謹督同巡撫右僉都御史楊  
兆總理鎮守總兵官戚繼光等查照節年舊規將薊昌二  
鎮一十四路主客官軍酌量地之衝緩兵之強弱悉心分  
布其主兵與客兵是左者責令各該將領預行整搦俱限  
正月二十日客兵與班軍未至者臣卽催督各赴分定邊  
疆無事則分班脩守有事則併力禦截至於哨報應援與  
各標兵以次迎敵俱遵照節經題奉

欽依事理而行但往年督撫鎮協各營標兵專備往來截殺近

因巡按御史房楠等建議要將各極衝地方敵臺先行完  
造以爲秋防先事之備今照隆慶五年應造衝要敵臺尚  
多查照上年事規再借標兵幫助一防乘此春暇警緩併  
力合作務期盡完以爲一勞永佚之計若遇有警修臺之  
兵仍停工聽調其南兵烏銃則分發各路專備策應宣府  
大同遼東保定各總兵官入援兵馬聽兵部行令悉要遵

照題

准事理施行如蒙伏望

勅下該部再加詳議上

隆慶五年正月朔七日  
行臣等及時從臆無患不致臨敵束手矣

急缺將領乞

賜選補以重邊防疏

臣見邸報該兵部題將原任臣標下中軍官暴以平推補神機九營佐擊原任振武營叅將蔡勛推補五軍三管練勇叅將原任統領河間遊兵遊擊陳其可推補五軍七管遊擊俱題奉

欽依推用訖竊惟臣標下中軍係傳宣三鎮軍令之官振武營叅將係新練車營策應諸路之任河間遊擊統領烏合之軍又值春防番戍之際所據前項員缺悉稱緊要萬一用非其人誤事匪細臣訪得原任石門寨叅將張功儀容脩

備幹局精詳屢任衝邊恩威能孚衆志足稱良將之才數  
承劇委清白不染一塵雅有丈人之節薦剡屢經賢聲獨  
懋此一臣者可充臣標下中軍之任者也見任燕河管叅  
將史綱愛士真如嬰兒治邊猶若家事修守雖妻夙亦不  
暇顧增臺繕堡屹然千里之雄關節儉雖寶至真能爲禮  
羸馬救裘允矣一時之廉將此一臣者才守兼優資望並  
重當量加副總兵職銜充領振武營之事者也原任寧夏  
遊擊高廷相揮霍奇才驍雄武士馭衆能知節制之法分  
數獨明建臺務爲經久之圖高堅可式功足益愆才當使  
過此一臣者相應准充爲事官以領可開遊兵之任者也

勅下該部再加一員訪如果臣言不謬乞將張功以原職任臣標  
下中軍史綱量加副銜管理振武營事高廷相破格錄用  
准充爲事官統領河間遊兵庶重鎮得人而緩急可賴矣  
隆慶五年二月初五日

急缺邊關將領乞內能授任以圖安堵

臣見邸報該巡按御史傅孟春論劾遵化遊兵營遊擊  
晁密雲奇兵營遊擊楊文保定奇兵營遊擊柏揮朱時熙  
黃崖口提調陳世爵太平寨參將王祿各不職乞要將周  
冕等罷斥陳世爵提究王祿改調各一節為照遵化遊兵  
係遇警調遣策應各路之數密雲奇兵係新募烏合之眾  
勢若搏沙又創起營房之役工方一篲太平寨既稱緊要  
邊關又當

首當要路黃崖口以雖云稍僻近因兼領將軍營兩關之賞其  
情日見沟沟保定奇兵營雖若少緩向因常川赴戍工役



不休軍情亦甚嗷嗷以上員缺皆不可一日缺人亦不可  
以非人據之也臣公同撫鎮兵備衙門再四詢訪僉謂見  
任喜峰口守備楊秉中胸羅豹略氣奮鷹揚口外山川之  
險夷指顧悉明於掌上諸部夷情之向背偵謀盡在其目  
中此一臣者可充太平寨叅將之任者也見任大安口提  
調陶世玉澄源汨猶如寒士老練稱爲丈人脩邊則甘苦能  
同下士三軍之憂樂亦同溫撫則勞績不敘軍錢一路起  
素絲之憂此一臣者可充遵化遊兵營遊擊之任者也見  
任河間遊擊高廷相久歷戎行習知邊計治班軍輒能入  
設節制之分數獨明督邊工報每先期卜築之高堅可也  
此一臣者相應以原職改充密雲奇兵營遊擊之任者也  
原任遵化守備今聽調鄒軻廉以禔身一塵不染剛能任  
怨百折弗回地險夷情歷歷真如指掌脩邊繕械事事熟  
於輕車此一臣者相應以原職改充喜峯口守備之任者  
也軍門聽用原任茨溝守備李寶才本老成心尤謹畏聞  
青山之虜警則枕戈塞上風霜之艱苦弗辭督并連之臺  
工則執鎗軍中夙夜之護作匪懈此一臣者相應以原職  
而領保定奇兵管都司之事者也建昌營中軍福州衛左  
所百戶陳伯懌抵掌談兵矢心滅虜在閩則深入賊穴因  
成俘馘之功在薊則教練車營尤徵節制之善此一臣者

可充黃崖口提調之任者也臣又訪得軍門聽用原任京  
 營叅將姚龍氣甚驍雄才尤機警計擒西山之叛逆乃夜  
 半以先登遂免一方之塗炭創脩兩縣之城工不數月而  
 告竣屹為萬古之金湯此一臣者相應以原職充河間遊  
 擊之任者也三屯營管軍營把總密雲後衛千戶王之宇  
 精知文墨預識鞞鈴曾畫邊圖關營之險阻無不周知委  
 管軍兵糧餉之出納極其明悉此一臣者相應推補大安  
 口提調之任者也伏乞

勅下 詔司再加查訪如果臣言不謬將楊秉中推補太平寨叅

將以原職密雲營叅將事旬世臣推補遵化遊兵營遊擊高

廷相改密雲營兵營遊擊劄改喜峰口守備李寶以原

職改領保定奇兵營都司陳伯懌推補黃崖口提調就將  
 姚龍以原職補河間營遊擊王之宇補大安口提調則才  
 與任適相宜而戰與守均有賴矣

隆慶五年五月初二日

及時儲養將材以圖安攘疏

竊惟將者三軍之司命

國家安危之主也故曰君不擇將以國予敵也我

太祖汛掃胡元混一區宇

成祖三犁虜庭

定鼎幽燕惟非猛士謀臣雲集馳起鞭撻四夷罔不如意二  
百年來承平日久上嬉下恬左武右文馴至痿弱於是將  
不知其兵不知戰自嘉靖庚戌而後羯胡匪茹屢侵

畿甸一時仗鉞登壇之人卒未有堂堂一戰摧輪而笞其背  
者則以將帥之非人故也夫兩京亦設有武學矣每三歲

亦開科取士矣然因循故事竟乏真材則以武士多詭冒  
之姦師長非知兵之選日溺紛華罔識韜略而開科應募  
之人非退學生儒緣此以影避差徭則白丁快餘假名而  
希求進用况弓馬不過粗材而策試盡屬剽記就使僥倖  
掛名何益實用於是不得已而求之世胄之家則統袴之  
子無復蕭蕭厲風之氣又不得已而拔之奴虜行伍之間  
然而韻鈴不諧於非統馭之才又不得已而舉之廢棄於  
之隱逸然非和悍而難用則大言而寡實隨起隨仆竟無  
可以稱塞

明詔仰紆

聖天子拊髀之思者則以儲將之無素故也臣竊思之百工之  
細九流之徒所傳必有師所習必有業乃可以考成而致  
精柰何以

邦家干城之將衆命係於斯

國命係於斯顧所用非所養泯然而執試之幾何不敗乃公  
事耶今

世道清明湖紀振肅材官武士争相淬勵思以功名自見較  
諸曩日饋師濫食不戰自潰者固爲有間且四夷納款邊  
鄙頗寧乘時儲材機不可失故曰苟爲不蓄終身不得今  
固蓄之之時也臣未暇遠及姑卽臣所督屬地方言之如

遵化密雲永平三處皆軍門巡撫兵備駐劄適中之地各有武廟武學而分隸衛所甚多合無將附近衛所官舍選其年力精壯資性穎敏膂力粗豪者量建置號房羣而養之授以應習兵書技藝之屬仍分析門類令各專一業如士專一經一曰詔略如武經七書春秋左傳諸史百將等書所載奇正之變虛實之用山林阻澤之形戰守攻圍之法窺敵用間之謀批亢擣虛之略微而至於無形神而至於無聲者當探其要妙勿滯文詞一曰武藝夫強弓勁弩利刀長槩矛盾戈鋌軍火神機之類一器而品制多門一用而什物數種且藝有正法亦有花法一事不知一事

一技又兼通其妙  
一勇在氣氣之勇在膽膽壯而力自足

所向無前矣宜倣古翹關負重之科力能引弓如下

若干石扛鼎若干斤以上方許入選一曰雜技士有挾

藝負一奇如陰陽星曆游說間諜火攻水戰陣圖戰法秘

術奇技可裨軍機者雖詭道不可厭雖偏長不可棄要之

武經七書如文士之四書皆當講究騎射如文士之策論

皆當閑習其餘則各隨所長以從其類若夫謀勇技藝兼

而有之上可以為大將次可以充偏裨之選也謀優于勇

可勝帷幄之任也勇多于謀可使臨陣先登備衝鋒摧敵

之用也挾一藝負一奇者可收之幕次因事受成以備軍  
 中役使之煩也又由是而進之授以忠經孝經學庸論孟  
 諸書以作其忠義之氣堅其廉耻之節又諭以死生禍福  
 之數俾知成仁取義之道則

國家不二心之臣安

社稷之臣皆從此出焉此養將之大略也必欲舉行而科條有  
 五一曰防收養之濫凡所養士先儘將門子弟衛所幼官  
 及應襲舍人精選肄業每學止以百人為率其在民間者  
 須有絕人技力超羣資質間一入選然分數不過十三庶

免監傷之患二曰浴養士之資夫武士者皆素衣近不與  
 儒生居處一城者不同若供膳不給則士習不安相應比

照生儒例分為三等稍優厚之一等充廩月給米一石二  
 等充增月給米六斗三等充附但月給行糧四斗五升中

間若係職官支俸者亦但給行糧不與支廩米但前項錢  
 糧原係補發各官其部近題新例武職老弱為廢疾

及才不堪用者俸米以贍養諸士取父兄無益之費養子  
 弟有用之才宜不為過如不足則查動缺官銀米及新開

荒地屯糧補之亦自足用三曰選合格之師夫章句之儒  
 類多迂腐而介冑之夫亦鮮知兵合令督撫衙門多方咨

訪精通韜畧者疏名奏

固無問身由舊資破格用之令署武學教授事三年作士有績一體陞授至於應習武藝俱聽督撫徑自查選精練之人不拘方類或為藝師或為藝友但厚加賞資免行推用四曰專提督之秩密雲等鎮各有本管兵備就令監攝提督武學事之章程程考其功課仍每歲一試以行賞罰定黜陟五曰重錄用之典如遇開科之歲該道卽以其所養士考選應舉卽不係開科之歲中間才有可用者亦許談道呈名督撫因能任事其在督撫鎮巡亦間一調考果有奇才異等堪為將領者許指名特薦以備將選夫武士之為業也與文士殊文士工在下惟且道惠生命一說多法言武士身親槍桿而韜略技藝之能盡係實用是故講法于學習藝于場召耳目以金鼓齊勇怯以刑名稍通則付之各營教習陣法操法精通則再付各有事地方隨營出征習臨敵攻戰真法或委之視邊俾知山川險夷之勢或用之哨謀俾諳夷虜向背之情且教而且試之試之而效則用之用之不效則復教之要不出三年之外真才輩出上者可以統三軍之衆而專閫外之權次焉者可以當一劍之任而收俘馘之效下焉者亦可以從事衛所之間服役行伍之內因事奏能不致狼狽所謂轉弱為強以紓我

聖天子拊髀之思者或者其在茲乎若由今日選將之法無變  
今日諸將所習之業伺零竊級目爲奇勲掩敗飾功稱曰  
能將非推轂於脂膏之流則檢材於悍鄙之夫積習成風  
九邊一律歲復一歲臣誠不知  
國事之所終也伏乞

勅下該部再加詳議如果臣言可採亟

賜施行庶幾

國家多事之時不致乏材之嘆矣

隆慶五年五月初八日

職任攸關目覩軍政廢弛懇乞講處以重軍機

據密雲兵備副使王惟寧呈稱通州叅將聶大經條陳五  
事緣由到臣據此除查給布花均霑實惠一事備行談道  
查該管行營叅將臣會同巡撫順天都御史楊兆看將  
聶大經所陳處置差以蘇軍因等四事無非目擊該營  
軍務虛糜餉項從權委於軍政有裨但係干增補糧餉議  
勅差銀酌處備所重務相應議擬照欵開列俱乞

勅下該部再加詳酌覆議上

請定奪施行

計開



白川奏議 卷之四  
一議處差糧以蘇軍困臣等看得通州營軍士原爲防護漕運巡視倉儲捕緝姦盜守禦城池而設是故立爲營伍統以參將實與

京師相爲犄角號稱重地自邊方多事漸有徵調之勞又因軍無餘丁兼出額辦之賦於是月糧之所入尚不足以供差辦之所出而軍身與家口又奚從養贍軍情嗷嗷逃亡日衆無怪其然旣經該道查議似應依擬合無

勅下該部將該營軍士比照張家灣備禦事例應支月糧補足一石局料柴炭三項差徭照舊辦納庶軍力少獲蘇息而行伍不致空虛伏乞

聖裁

一乞討草料以資馬政臣等看得該營馬匹合用草料若責備各軍自辦勢必不能若盡行仰給於官恐涉糜費合無勅下該部姑照邊方主兵馬匹事例無事之時每年春冬支給料草夏秋自行牧放果奉有調遣本折照例全支庶馬得其養不致倒損而軍力少壯可免逃亡伏乞

聖裁

一議處公費以杜科斂臣等看得該道所議通州營各官紙劄公費欲於各衛均徭銀內動支一節爲照前項銀兩原係備辦一應公費之用旣經該道查議相應依擬乞

白川奏議 卷之四  
勅該部備行臣等轉行通州左等四衛於每年徵收均徭銀內  
照依前派數目支給如此庶官無科斂之私而軍無剝削  
之苦矣伏乞

聖裁

一議處衛官以肅軍政臣等看得該道所議通州左等四衛  
疲累彫殘每每缺官任事欲於通州衛指揮千百戶內選  
擇賢能者一體委用一節夫各衛既同處一城各官自當  
同心共濟難分彼此致生窺避合無

勅下該部備行臣等每遇通州左等四衛軍印屯田巡捕等項  
及通州管缺官管理事務者通融於通州衛選釋分別委  
用自後每遇考選軍政之年聽巡撫衙門與同各衛一  
考覈庶四衛不致有乏人之嘆而通州衛亦免有冗員之  
議伏乞

聖裁

隆慶五年六月初四日

白川奏議 卷之四  
議調本鎮就近援兵以防緊急虜患疏

據永平兵備副使孫應元呈蒙臣案驗前事依蒙會行薊州總兵官戚繼光議覆外為照九邊之中薊鎮為重自庚戌以來調集各鎮兵馬以實薊鎮非為薊鎮也重

畿輔也往歲遼東入衛兵馬除軍門標下一千外另有二枝分布防邊嗣後放還一枝止存其一每遇秋防將該鎮總兵官移駐宣前近地一遇薊鎮有警不候調遣星馳入援查得本道地轄四百四十餘里所屬四路止有固原遊兵一枝不及二千有餘又將五百分防太平寨路潘家口雖有山東保河民兵不足為恃燕臺石山四路所恃者遼東

一枝而已東虜方張平灤以東首當其患且內地民物較之遼左自是稍豐犬羊無知何嘗一日不垂涎內地是在平日以薊鎮諸路而論惟燕臺等路兵馬單弱以今日虜情而論惟東夷可憂方議呈請加添兵馬以爲今秋之防乃今議將遼兵撤去不知平灤四路果何所恃以無恐哉所據議將李惟一兵馬駐劄寧前萬無是理至於山海關叅將所屬有馬軍士止一百有餘此外雖有千人皆係步兵卽欲趨赴寧前應援彼疲兵雖衆何益於事亦難輕議今秋不獨遼兵不敢輕議關外駐劄卽該鎮總兵官亦當早照原議調赴寧前駐劄以爲聲援夫唇齒勢切相依遼薊實爲表裏救災卹隣古今通義本道雖至愚冥亦能於此第事勢有輕重論事有權衡責在封疆自不得不嘵嘵若是也又據總兵官戚繼光呈稱與前相同各等因到臣今據前因諛臣會同巡撫順天都御史楊兆看得遼東係薊鎮左輔重地本唇齒之相依而薊門總督兼管遼東地方尤難如秦越之相視使寧前有患律以卹隣之義猶當馳援況事關一體責在同心者乎但虜之巢穴相去薊遼形如鼎足方其聚兵之頃彼此哨備遠邇震驚遼之寧前薊之海石均當其衝未可遽有所輕重也及至分道之後偏東則遼偏南則薊一邊相接兩路皆通故寧前告急之

日正海口一帶戒嚴之時也所據遼東入衛兵馬欲先期遣之則畫守信地無兵可補欲臨時遣之又恐出關數百里緩不及事況聲東擊西狡虜故智臣等誠不能無顧此失彼之懼至於山海叅將馬兵不過百騎步軍亦僅千餘責令棄關應援何益於事是以臣等尤未敢輕議合無乞勅該部再加詳議將李惟一兵馬一枝照舊入衛駐劄臺石等路原分信地防守山海叅將亦免其出關如果虜聚無多哨探旣的容臣等姑如總兵李成梁所議量發原選寧前兩衛官軍四百於關外附近寨堡按伏協守事畢仍回信地庶邊關之責成旣專而將士之奔波可免矣

隆慶五年 月 日

劉恩臣 日  
增設重險以保萬世治安疏

准巡撫順天都御史楊兆咨據密雲等道兵備副使王惟  
寧等各呈稱薊昌二鎮所屬一十四路主客官軍隆慶五  
年春防脩完敵臺二百四十八座守座火器合用數多上  
年雖蒙軍門

請發一次其數尚不足舊臺之用今年新臺全無火器呈乞預  
為題

請以備秋防發臺應用等項准此行據薊州總兵官戚繼光鎮  
守昌平總兵官楊四畏各呈報相同據此為照昌薊二鎮  
外枕重山之險今又益以臺隍之固據險守要地利頗得

白川奏議 卷之四  
然而

中國長技所恃以防邊制虜者則火器爲第一議也今各路造完敵臺一千二十餘座計每臺議用佛朗機八架夾靶鎗或快鎗十二桿共用佛朗機八千一百餘架夾靶鎗或快鎗一萬二千四百餘桿合用子銃鉛彈錘屑匙門膽袋等項稱是蓋創建此臺卽創用此器固一物不可缺實非一時所能辦也近經督撫具

奏工部議覆准留隆慶三年四年五年軍器銀兩打造軍器又蒙部發京庫銅鐵佛朗機共七百位夾靶鎗三千桿大小鉛彈共五十六萬箇其於薊門軍需亦大有裨益但新建敵臺數多

奏留料銀及部發火器有限况軍中盔甲器械悉資料銀各營軍人所執把新造戰車所攻打悉用火器以前項之所奏討者尚不足以濟守臺之什一不得已將沿邊正關水口及各營各路舊貯

神器盡數搜括在臺計今舊臺八百餘座火器尚未及半新臺二百餘座火器全無約共欠佛朗機四千餘架夾靶鎗五千餘桿臣等委得措處不前製造無及致令軍士以徒手而守空臺緩急何賴伏乞我

皇上軫念京邊重鎮臺工旣成火器爲急

勅下該部議發佛朗機二千架夾靶鎗或快鎗三千桿並合用  
子銃鉛彈錘屑匙門膽袋等項如數發下本鎮差官領回  
分發各臺應用其餘不敷之數容臣等另行打造湊補庶  
邊城資臺以爲固臺藉火器以爲守聲實俱備而緩急可  
恃矣

隆慶五年七月十五日

懇乞

天恩俯容入衛兵馬番休以甦疲鎮疏

准兵部咨該巡按陝西監察御史蕭廩題前事本部覆議  
合候

命下本部通行勅鎮陝西總督及延綏鎮巡各官將入衛官軍  
三枝照常整棚依期入衛內除標兵九百仍照舊挑選存  
留外其餘兵馬俱於撤兵之日通行放回不必留備防冬  
防春以致久羈其薊鎮春防缺兵一枝聽本部臨期行戎  
政大臣於京營戰兵內選撥一枝前去充補待綏兵至日  
即便發回蓋冬春之間非虜寇大舉深入之時而京營之



軍輪遣一枝赴邊亦可以習勞苦而壯膽氣未爲無益也  
再照薊鎮密邇

陵京干係極爲重大必須兵食充足乃可保障無虞而列鎮逐年調發終至坐困邊軍久戍勞苦內有隱憂合行薊鎮總督鎮巡等官將該鎮防禦事宜從長酌議要見額兵必如何而後可足衛兵必如何而後可罷安機戰守必如何而後可恃勿分彼此勿圖目前悉心籌計務要經久可行等因具題奉

欽依備奉到臣節經備行總鎮兵備等官查議去後今節據陸續議呈前來該臣會同巡撫順天都御史楊兆議照撤減客兵之議屢經諸臣建白固各有所見非獨念各鎮徵發之勞而忘

國家根本之慮在臣等亦有人心亦有耳目豈不知客兵疲勞之狀而敢坐視諸鎮之急但中間審時揆勢有欲行而不能欲止而難已者請爲我

呈上陳之夫薊鎮事體與九邊殊九邊原與虜隣設爲全鎮是故屯之有重兵給之有額餉薊鎮坐落

畿輔原係內地

國初但重紫荆居庸山海三關設巡關御史一員董其事不設鎮守不建邊垣蓋緩之也旣而大寧內徙猶恃朶顏三

衛爲藩籬是故額設兵馬錢糧不及諸鎮之什一自嘉靖二十年後屬夷和虜勢漸反覆馴至庚戌而薊門始多事矣防禦之計居然與宣大相埒而一牆之越卽直逼

### 神京震動

陵寢利害所關視諸鎮尤迫切焉且各鎮無邊可守但練兵以待戰故虜少得撲零以爲功虜多猶足結營以自固縱無大勝亦無大敗薊鎮因山爲牆畫地而守不用多兵勢何能備況虜犯各邊或以數百或以數千極多不過數萬其犯薊也虜騎擁衆動至數十餘萬彼聚而攻我散而守此不用多兵勢何可遏夫以

畿內根本之重地當東西擁衆之強虜額設之兵甚寡備守之處甚多本鎮旣無兵可添邊地又無計可縮於此而不仰給於各鎮入衛之兵則將何所恃以爲固乎查得本鎮東起山海西抵鎮邊山川逶迤凡二千四百餘里內除山叢險絕但用瞭望不必防守者凡六七百里勿議外其餘極衝次衝不容不守者猶不下千七八百里也卽一丈一梁數梁一軍亦須用兵二十餘萬而應接待戰之兵不在此數及查昌鎮實在主兵一萬八千餘名薊鎮實在主兵四萬五千餘名總督鎮守各標兵及各營召募之兵除選留入衛取自各邊者不計外亦總不滿一萬四千餘名此

外惟有先後

請發京操班軍與調到保河等處遊兵民兵約近三萬之數中間僅堪工作難與戰守者又十之八九焉以入衛兵言之其初蓋十四枝遞減至今始十枝耳如大同二枝延綏寧夏三枝每枝先年各減三百上年又將宣太三枝陝兵五枝各遞減五百合十枝論之中間逃亾事故又不下千數百人計實在入衛之兵祇二萬餘耳較之舊數減已過半矣且舊皆拔其精銳今孱弱者又相半矣連前五兵標兵班軍遊兵總不過一十三萬而擺撥出哨存守雜流等項不在防邊之數者又不下二三萬人然則二鎮實用之數僅十萬之力防二千四百里之邊既欲分地而援萬一潰墻又欲合兵而戰即頗牧之策亦難籌戰守之效且未易睹况臣等與諸將之碌碌者乎故自增兵以來屢數犯數入以兵寡邊長掣襟露肘非專於不善守者之罪也臣等與前任總督譚綸見任總兵戚繼光楊四畏等見其精勵軍容實屬難能非節制之兵也向來種種濫撥兵之說非固守之策也今邊疆之患竊級下馬挑壞非固勝之略也誠願其營中火器備我軍有所恃以見虜虜幾可收一戰之效議建敵臺據要害習守臺之戰練援臺之兵以求守而必固之策又春防既畢臺工報

罷是後期與諸將士專爲休養訓練之計甯有次第而言者紛紛又欲撤減入衛之兵使臣等爲後手之轉無承之炊向來區區盡失所據是以臣等不無大懼且如隆慶四年秋虜衆糾結號數十萬至驚動

宸嚴仰屋

宵旰彼時宣雲之兵旣已抵關遼保之兵又已到鎮將士雲集庶爲有備而薊門中路松太二區凡三百餘里尚虛而未守非不欲守也守之則松太未必固而全鎮之中皆薄也此同事者所共知也今年戚總兵造到秋防圖冊除各路援兵外每臺定擬主客官軍六十人每墩三十人通計縮而馬蘭以東尚欠兵一萬五千三百餘人不敷分布無可那補此亦同事者所共知也今若客兵再減主勢愈孤縱使練之皆精團之一處使虜勢擁衆動稱數十萬者亦不相當況二千餘里之間必欲處處守之乎是故臣等所以不敢奉

詔減兵者非謂主兵之未練也非謂備行邊塞之強可與戰也非不知今日之客兵在在皆非比也亦非不知班軍之難恃而養此無用之兵也亦非不知各鎮又不以精兵來戍不得已而務相雜以五百兵練兵兼而用之雖無大益猶愈於無人者耳臣等且奈之何共但客兵固

不可減然不可不亟爲蘇息之計調鎮額兵雖無可添然亦不可不求爲經久之圖此餘千緡

國大計固非臣等所及雖然亦何敢不盡其愚查得各鎮入衛兵馬除宣大等鎮或地方相近分番無難或議減已多見兵甚少無容再議外其餘二枝於二月終旬前來四月鎮休息一枝薊鎮防冬其餘二枝於二月終旬前來四月初旬抵鎮至秋防畢日將上年防冬一枝并四月內五到一枝各撤回本鎮仍留新到一枝防冬至次年秋後放歲歲相沿已成故事是防冬者凡二年而一番不勝其累

久資費之苦新到一枝凡數月而一老入不敷出在令返之勞其在軍門右留標兵九百因無班可輪凡五年始一回衛客戍日久狼狽尤甚凡此皆處置客兵之更番者未善也又查客兵到邊之日行糧料草本折間支在上半月本色卽係粗糲猶日充一殮下半月行糧折色止給銀一錢二分有零茲不過壯士一飯之需乃令延度半月是三五日未暇一飽也況此外又有居處新米之費倒馬椿朋之微千里一身無可仰給不得已將馬之料草無而食之於是軍存而馬斃矣馬斃則軍食愈不繼而人亦斃矣凡此皆處置客兵之餉務者未善也臣等目擊其弊已經行鎮道衛門各查議具

奏間而御史蕭厚之疏適至該兵部議令延綏官軍三枝照常依期入衛內除標兵九百照舊挑選存留外其餘俱於撤兵之日放回不必留備防冬防春仍於京營戰兵內選撥一枝以補薊鎮春防之缺是既減其入衛之數又減其在防之期所以爲延兵計者亦既善矣然臣等猶不能無遺議焉夫延兵以三枝秋防入衛使有所更番是延鎮之所以備入衛者凡六枝也使無所更番則往返道途奔波尤甚且遠戍之期正當暑月長途跋涉馬多病損至於臣軍門標兵九百尚未議及放之則行伍一虛留之則困憊如故均應議處臣等再四訪之羣議詢諸軍情咸謂容令分番爲便蓋標兵九百常川在戍逃亡頗多雖有九百之名無九百之實也入衛三枝節經議減每枝止存二千二百中間老弱逃亡悉作實數雖有三枝之名尚不滿二枝之實也合無自今歲爲始將延綏衛兵四枝分爲兩班每歲在薊者卽以十一月中旬放還期至歲暮抵家在延綏者亦以十一月中旬起程期至歲暮抵鎮前項兵馬務選精銳每枝各足三千之數此外再加兵九百更代標兵與同大營一體往還其原留備冬兵馬臣等姑暫撥標兵代之是在延兵免久戍之勞在薊門省備兵之費而兩鎮各得實在兩枝兵馬之用似爲更便其在寧夏固原二枝亦

白川奏議 卷之四 三十一  
照此施行不必見面交代若各兵至鎮之日專意訓練悉免工作舊規撤兵之期各給犒賞銀七錢相應量加三錢每上下半年分爲二次支給中間但有馬死者姑容令通支本色行糧勿使散散得廢饑而待斃夫本折之費數畧相當而倒馬之軍數亦無幾一轉移之間客兵獲以生全者衆矣此權宜蘇息客兵之計也臣等又看得薊鎮自多事以來緣無額設重兵乃有增標兵調客兵之議旣而客兵日疲目前苟安於是

廟堂又漸有減兵之議夫客兵固欲其減而薊鎮不可無守於此議者有爲練土兵之說有爲召募之說有爲由塚之說有爲清勾之說有爲調快壯之說舍此數者則無復策矣而此數策則皆不足以濟何者練土兵以減客兵謂主客數相當也若練成七八萬之主兵而減去二萬有餘之客兵則向之畫地而守者殆六七百里而虛將以何兵補之是故土兵宜練而與客兵之減無與也召募一節臣等分投差官懸重賞以購之第

畿輔之地人易資生疆場之役事當效死終歲號召竟鮮響應間有至者不過串營棍徒朝來暮去之人耳如軍門標下近召奇兵三千而馬太二路固已損額客一千餘矣召募旣難勢不得不議及於抽塚先年順天巡撫吳都御史

曾一行之迄今怨聲不絕逃亡畧盡行伍依然空虛間閭因而凋耗不惟勢不可埽卽欲埽而無人也清勾之說近該督撫按關衙門行之甚力山東河南諸省解到軍丁亦幾數百矣然若如罪囚形同乞丐解者百不及一逃者什復八九事涉隔省法令難行今寥寥年餘竟無一人至者矣至於調取快壯之議尤屬難行夫快壯皆民也調而用之是以民而爲兵也少則於防守無濟多則民力不堪散之則搏沙而難練調之則烏合而難用况州邑快壯爲數幾何尚不足以充捕盜守城之用而顧用之防邊禦虜耶是數策者行之因效而非行之不力也然則欲爲前鎮議處額兵以求久安長治之策須破拘擥之見勿泥故常之迹圖大勿惜其小急公勿計其私

君相主斷於上百司協心於下然後

國家經久之計可漸而圖也查得近大學士陳以勤議將北直隸八府每三人報一人爲兵一半爲正一半爲奇免其雜役仍免本身丁銀一錢無事操練有警徵調事畢歸農無使數聚又該刑部尚書葛守禮議將直隸各州縣壯丁編爲保甲分守調二號各免其本身差徭仍量加資給一有警報守號者在城防禦調號者聽調裁殺諸臣之議蓋做唐人府兵之制從古寓兵於農之法亦與先臣丘濬議



將順天五郡民悉籍爲兵謂可得兵四十餘萬意相符合策甚善也但議處未盡卒致廢格不行夫

畿輔之地民貧賦重履畝而科計口而役原無空餘可以爲兵之丁卽三人報一蠲其徭賦是一人之所蠲者又不免移而爲二人之所增矣蠲者別無津貼旣不能以從征增者自異補甚又何能以安業若欲必行前策合備查北直隸州縣原額地畝若干戶口若干賦稅若干差徭若干應以地無項人幾丁出兵一名其爲兵之人與供兵之丁地一應差盡數蠲除中間必不可免如

內府錢糧驛遞等差或漕派各省或照

國初驛站南馬事例以天下力協濟均當仍限之以從役之

年寬之以分番之制勿名其爲軍使無世及之恐又令永無別差俾免重役之懼使百姓曉然知爲兵之利較勝於從事有司之役然有司不必議罷但以興學勸農治盜理訟爲職無復征科在百姓亦專以務農供兵爲事別無勞擾庶始而無驚動之虞終而成富強之効其餘作何徵調作何訓練亦皆從前處給俟期年之後事體旣定然後漸次減去各官宜准料草以抵戶部蠲除稅糧之數如此則燕趙之地旣不患無精兵而薊門之役亦不苦於遠戍以本地之民守本地之邊不必募兵而人自爲戰不必

加餉而家自爲養在邊陲無缺兵之憂在

京師獲疆幹之效策之上也如以爲事體更張民情騷動未  
易舉行莫若查照近日御史余希周所議就將各邊入衛  
客兵連家口月糧併歸薊鎮容臣等授田治廬隨宜安插  
仍

請量發帑銀給付各鎮聽其募兵補數夫入衛之兵在延綏不  
過五千大同不及五千遼東不過三千宣府固原寧夏不  
不過二千有零在各鎮分而減之不多在薊鎮聚而有之  
乃衆此旣得常在可用之兵彼亦免歲歲徵調之勞抽補  
之苦且以邊兵移住邊地勢旣相安情不告苦視遷徙內  
地之民効相遠矣但昌薊二鎮沿邊二千餘里分設一

四路卽一路守兵援兵一萬爲率合用兵一十四萬今二  
鎮主兵不滿八萬卽留用客兵亦共不過十萬有奇總而

言之似多分而用之猶寡合查復先年清軍事例及近日

御史陳于階所奏分差御史數員前赴各省將塚充祖軍

及犯罪永遠軍嚴行清解夫布按二司與各府州縣皆有

清軍專官而邊方軍士在原籍各有戶丁及佃地受產人

戶以清軍之官責以清軍之事兵取諸原額而非以擾民

也民供其租役而非以厲已也責成旣專有司莫敢推諉

豪民無能容匿如昌薊二鎮逃亡額設二萬有餘而罪充

者又不下數千人按冊清查勿容破調卽間有死絕不能  
取盈原逃之數而二萬之兵剋期可得然是舉也原無借  
清勾之名以行募補之法求充實用而不徒取虛數如不  
問老弱亂行起解待如罪囚隨多卽逃則雖多亦奚以爲  
哉今宜查其戶丁之精壯者選充應役不必拘妻不必僉  
解但得軍至五百或千名以上卽選委賢能官員編成行  
伍肅隊而來在籍則着落戶人厚貼軍裝至邊則

請給糧餉置立營房俟安插既定漸次搬取家口仍嚴復逃之  
令議優卹之法庶逃者可來來者可勿逃也夫旣得客兵  
復勾補壯丁以益之則薊鎮額兵可充卽各省班軍亦可

非謂甚便計也雖少

善於守者以南兵

難用自今視之則真見其有

素

生

乘百勝之後膽氣粗壯不甚畏敵一也  
揮莫敢阻格二也技藝精絕如鳥銃鏡鉞之類作用有法  
可充實用三也撥令守臺安住如家無復內顧四也衣甲  
輕緻步履便捷可備險阻設伏出奇之用五也輕身守臺  
不用盔甲不用鞍馬可省煩費六也卽人皆素練卽可備  
倉卒之用志喜戰鬥又不苦於從役之難况薊鎮一總二  
協皆曾從事於南方今若以其所養者爲其所用俾遂其

廉頗思用趙人之意亦善之善者也若謂南兵之養恐無  
取給臣等願罷山東民兵一枝斂取工食足養南兵五千  
連見在三千分爲二營遇警發臺蕪北兵而用之則勇敢  
自倡虜何敢近是雖非薊鎮之額兵實今日守臺之上計  
也是故由前抽取民兵之說則養兵無難得兵亦多而事  
體頗爲繁重由後調南兵之說則得兵甚  
易爲兵亦精而臺蕪之積處合此數策皆非臣等所敢  
知矣要之天下之事未有全無害之利未有久不弊之法  
惟酌其輕重審其緩急可以永佚則一勞勿恤也可成大  
功則小費勿計也可以通變則破格勿嫌也若用兵而必  
欲無所費徵兵而必欲無所擾則天下事無可爲之日矣

伏乞

勅下該部再加詳議俾薊鎮有經久之規各鎮免徵調之苦臣  
等亦得以專意從事免牽制紛擾之患則

宗社幸甚邊方幸甚

隆慶五年八月初六日

恭謝

天恩事

隆慶五年八月二十七日准兵部咨為增設重險以保重  
世治安事該臣具題前事本部覆議奉

聖旨這敵臺工完各官效有勞績譚綸陞兵部尚書兼都察院  
右副都御史照舊協理戎政還賞銀四十兩紵絲二表裏  
劉應節陞奉二級賞銀三十兩紵絲二表裏戚繼光廕一  
子百戶楊四畏陞實職一級楊兆陞休一級還各賞銀二  
十兩紵絲一表裏凌雲翬等各賞銀十五兩宋守約陞一  
級孫應元陞俸二級王之弼等各一級賀濤等并劉愛等

各賞銀十兩胡守仁等各陞實職一級賞銀十兩羅端等  
各陞實職一級賞銀五兩張蕙等各賞銀八兩張應時等  
各五兩其餘都依擬欽此欽遵備咨到臣除焚香望

闕叩頭謝

恩外竊惟敵臺之建實創自前任總督譚綸之謀成於主客將  
士黽勉奮鏞之力也臣周旋其間曾無寸補卽有微勞亦  
自當分讓家我

皇上軫念邊臣特陞

錫予旣進俸廩之級復叨

帑之賞

天寵優渥大逾涯分雖捐糜何能爲報臣下情無任感激戰慄  
之至

隆慶五年八月十九日

懇乞申明支糧事例以便查盤疏

據永平兵備副使孫應元呈稱會同薊州兵備副使徐學古密雲兵備副使王惟寧昌平兵備僉事張廷弼查議過薊州密雲昌平永平四鎮主客官軍馬匹支糧則例應因應革應增應減各緣由到臣據此臣會同巡撫順天都御史楊兆巡按直隸御史余希周議照古稱舊章成憲爲後世之所當遵而文獻無徵雖聖人不能以言禮我

國家庶務之繁統於六曹然六曹之中莫不各有章程沿爲定矩如刑名在刑部則有尚刑條例如軍政在兵部則有邦政條例卽兵部之防邊集議戶部之漕運議單凡關係

重典必確有成規可爲遵守矧薊鎮內拱

神京外控夷境甲兵環列每年當戍與春秋兩防主客兵馬不下十數餘萬錢穀收支每歲京運與民屯二稅本折糧餉亦不下百十巨萬名項多端事體繁瑣使非事例詳明終難免于混淆冒濫則今日修定之舉誠不容緩焉而不之講也且該鎮節年以來經該內外諸臣建議戶部題覆與夫自來舊例一向付之沉閣司餉者無所適從查理者無所執據中間依形苟影私竊比附冗濫之弊誠有不可一二舉者荷蒙

皇上軫念軍儲重大邊費浩繁

俯從部臣之請令臣等各得摠竭誠悃參酌定議纂集成書以期刊布誠洗二百年之固陋爲邊方建永遠經費之良規也臣等謹遵

明旨殫精竭思互相考訂緣事在諸鎮文案多湮凡批駁檢查不厭數四而草創翻騰何憚再三多方搜括稍得其槩顧惟薊昌重鎮兵食大計悉兵節費勢固不能以相無而足食足兵計亦有難於備於迨於各該廩餼之中詳別其勞逸之等品度其盈縮之宜去所太浮存所必用裒多益寡酌盈濟虛以庶幾乎該部所謂兵馬有實數而錢糧有實用之意或足以少塞



白川奏議 卷之四  
明旨之萬一也所據各道會議各鎮事例復該臣等再三叅校  
逐加定正合就分款開列前件伏乞

勅下戶部會同該科再加詳定明白覆議上

請刊布通行自後如或時事不齊兵糧之中間有沿革併乞  
勅令該部比照漕運議單規則每於年終會同該鎮督撫等官  
應增應削具

奏脩入仍乞

天語叮嚀當事諸臣務令着實遵守毋得視為文具各於查盤  
之時聽查理之巨覈實具

奏庶事例明而支放有據章程定而邊費可清矣

隆慶五年十月 日

臣等查得

本月九月內該兵部題為遵

旨魏思見條陳紉鎮事宜以少裨邊方大計事內一款議

戍客兵看得陝兵入衛大半二年方得一歸不勝客久奇

費之計今歲為始將延綏備兵四枝寧固二枝各分為

兩班年一在薊者即以十一月中旬放還期至歲暮抵家

在延綏者亦以十一月中旬起程至歲暮抵鎮不必

見而前項兵馬務選精銳每枝仍舊二千二百此外

再加六百五十名兵與同大管一體往還其原留

備冬兵馬前鎮督撫官暫撥標兵代之等因題奉

聖旨 議行欽此俱經欽遵通行外卽今天氣漸寒水凍草枯  
三片通行鎮巡兵備等官遠哨虜情酌議撤防去後今據  
司因爲照今歲秋防仰仗

邊庭未揚各該遠戍軍兵委宜早行撤放容令休息  
勇雖經欽付而犬羊之性反覆無常且東虜尚在跳  
規伺之謀情形已露況在冬春之間尤爲空虛可慮  
容臣先將入衛客兵撤放其所遺地方酌量衝緩分  
撥標兵貼守其標兵除原有行糧者不議外其原無行糧  
者卽移客兵之養養之如有非時警報臣卽嚴督鎮協等  
官各整擗兵馬不待調遣相機策應務保萬全伏乞

勅下該部再加查議上

請行臣遵照施行一面通行各鎮督撫等官將該班兵馬查照  
題

准事規挑選精銳依期督發前來不得延緩後期及將以老弱  
充數殊堪先事之備可免意外之虞矣

隆慶五年十一月初三日

及時儲養將材以圖安攘疏

竊惟密薊永三鎮事體大率相同教授供需似應協一至  
於堪爲教授者該臣會同戚總兵再四詢訪如軍門聽用  
太醫院醫士喬登學問淵源才思煥發究心於孫吳者三  
十載龍韜豹略一一妙運于胸中投足於邊關者四五年  
地利夷情歷歷指陳于掌上雅負干城之具信非章句之  
儒本院標下聽用盧龍衛武舉趙佑氣不下人學能博古  
韜鈴諳而明若指掌讀誦多而口若懸河雖細行之不矜  
實一長之可取薊州聽用徽州府歙縣增廣生員汪應鳳  
文學與武事俱優持身並教人有法涉獵武經輒留心於

著作笑談兵務嘗奮志於吞胡又據永平等道副使孫應元等各呈開武學建立之地官生餼廩之供作養黜陟之格程事出身之等廟學享祭之禮上下接見之節尤爲詳明各呈報到臣據此案照先准兵部咨該臣題前事本部議覆合候

下本部移咨總督劉應節將遵化密雲永平各附近衛所官舍嚴加遴選分撥各學如法教養各兵備官以時校閱仍照京衛武學事例考入優等者每名月給饌米所用錢糧

缺官銀米開荒屯糧內動支其四門類五科條悉如

於民間拔能之士必須超羣絕倫且有實用者方許入選勿容濫收以成虛套庶建學立師盡爲實事而講法習藝可得真材矣等因題奉

欽依備咨前來已經咨行順天巡撫衙門轉行各道將前武學事宜備細酌議去後今該前因爲照儲材之道擇師爲急不獨章句腐儒未足與談兵事卽能讀父書不達兵機者亦未可與爲人師也故苟得其人則無問縉紳顯達之流山林隱逸之士但取其長勿論其類仍專其責成厚其餼養庶幾可收作人之效所據武學堪充教授人員及各項事宜旣該巡撫衙門及各兵備道開報前來詢詢無異似應准從伏乞

勅下該部再加詳議如果事體相應卽將喬登授署密雲武學汪應鳳授署遵化武學趙佑授署永平武學各教授名色如果三年作士有功容臣

奏薦實授仍不次擢用如其不効定行叅黜至於各道呈議各等事宜臣等徑自裁酌施行惟復別蒙

定奪

隆慶五年十一月初十日

欽遵

勅諭陳列邊鎮未盡事宜以

國計疏

臣據永平兵備副使孫應元條陳添設庫官議處空運鑄給法馬三事皆關係庫藏軍儲亟應改絃易撤者與臣聞見相同但係干添設官員議處積貯重務又該臣覆加議擬頗合時宜相應照款開列題

請伏乞

勅下該部再加覆議上

定奪

計開

一議設庫官以司出納臣看得邇年以來各該有司庫藏率無防閑多被庫役通同肆行侵盜蓋緣錢糧所在奸竇易生若非專設庫官看管終難免慢藏之弊矧薊密二鎮俱經添設而永鎮獨可後遺乎近日密雲通州之事可爲鑒戒又如大城縣亦被奸庫盜取數多因去任知縣趙德光關防疎略所發除批行該道嚴行追問外今據永平兵備道所議該鎮欵比照各鎮軍體添設庫官一員專司出納就將永豐倉副使一員裁革所遺之俸卽抵充庫官之費一節似亦相應但該鎮年例王客頗稱浩大庫官一設其所議庫藏不必建於別處仍應照舊在盧龍縣舊庫內將歲方爲嚴密一應屆鑰關防責成庫官晝夜看管其本官棲止之處臣查得盧龍縣庫東是有隙地一塊可作小屋三楹當另開一門令其常川在彼至於庫門封鎖啓閉仍在於戶部分司執掌其巡視看守人役俱責令盧龍縣加意管束伏乞

勅下該部早賜議覆添選官一員仍鑄給應用條印庶責成旣專出納無弊矣

一議處空運以便奴文臣看得各鎮今歲民運已改本色軍糧又改折色所積糧米漸足供邊惟是料草雖改本色而

原額民屯有限各區支放甚多今據該道所議欲將上納人員不必拘定米豆只將米豆草束俱定擬時值數目聽各該管糧衙門酌量所積糧草多寡隨宜坐令買納是亦調停通變之術也臣等尤慮其上納人員難必其輻輳而來又查得各該衛所尚有屯地內應納新增銀兩亦係供邊正額合無併照時估改爲草束庶足濟上納之不及伏乞

勅下該部定擬草豆價值量從寬便通行各鎮管糧郎中酌量收納庶儲積有備而芻豆無缺乏之患矣

一議鑄法馬以便秤兌臣看得部發銀兩往往秤兌短少雖係解運人員抵盜侵漁亦因內外注

劫 藉

口各該管糧郎中過避嫌疑只得將原鞘給與

必員沒

以致分給虧折因緣扣取甚非事體至於應給數百兩有零頭者却又委曲那移以補不足此郎中之茹苦而不言者今據該道所議乞要鑄給法馬置造秤架使太倉銀庫與各邊分司較量平準誠於收放有裨伏乞

勅下該部早賜通行鑄給庶出納平允而庫弊益清矣

隆慶五年十一月 日



懇乞

天恩俯容入衛兵馬番休以甦疲鎮疏

臣會同巡撫順天都御史楊兆議照薊鎮防邊以守爲上據險守要以臺爲急今各鎮入衛之兵漸次議減而召募清勾之軍卒難濟事日前召之卽有人得之卽可用者莫南兵若此今日所以議調南兵之意也但彼以數千里棄室家遠墳墓而來養之薄則弗堪養之厚則難繼故臣等反覆酌量仍日以工食銀五分爲率似爲適中夫軍行糧從勢所不免倘徵兵旣集糧餉不充張口嗷嗷何以應之此今日議調南兵又不得不汲汲先爲經費之計也查得

前調南兵九千應該歲給工食銀一十六萬二千兩除頂補陝西宣大等處客兵及奇兵遺下行月糧料草犒賞等銀共六萬七千三百七兩五錢及議罷山東民兵三千五食與行糧料草銀共八萬一千四百五十兩尚欠銀一萬三千二百四十二兩五錢無從措處節該鎮道衙門議要將各該標逃故主兵額軍月糧布花舊額銀內量行扣給似亦相應方今

內帑詘乏司農告急臣等方會同查盤御史多方節省乃今又以調兵之故議及加餉蓋經費則慮其用之或濫故虛冒不可不清方邊則懼其兵之甚寡故糧餉不可不克於兩難之中求兼濟之計臣等竊思不得已也

南兵三千歲該工食銀五萬餘兩隆慶二年動支兵部價銀二萬八千四百九十餘兩隆慶三年動支戶部帑銀四萬兩又發兵部馬價銀三萬四千三百餘兩隆慶四年該任總督譚綸議借太倉銀六萬六千六百餘兩就將河南山東直隸等處拖欠昌薊二鎮歲例銀兩照數扣還隆慶五年該臣等題仍乞借支太倉銀兩該戶部覆議止給銀三萬三千兩其餘之數備行臣等自行催取各省拖欠銀兩以充南兵之用臣等共催到銀一十八萬二百八十八兩餘兩但原議所催拖欠隆慶二年以前而各省解到銀兩

盡係隆慶三年以後在各省則以遠年拖欠難以追併在  
戶部則以帑藏空虛不入會計其催到銀兩又以非其年  
分不准借支以致臣等計無所出將庫貯民兵等銀盡數  
那借自本年七月八月九月十月支用已盡無可搜括而  
前項南兵雖回南者二千有零見在者尚有一千二百餘  
人其十月以後並無糧銀可給夫調度兵馬樽節浮費皆  
臣等之責若錢糧不敷令其自處則非臣等之愚所及合  
無乞

勅該部再加詳議將新舊南兵工食計處停當明白上

請併入歲計目前舊南兵工食姑容臣等暫於催到各省拖欠  
兵食俱足防守有賴矣

隆慶五年十一月 日

仰仗

天威恭報禦虜大捷疏

本年十月內欽奉

勅諭責令臣將一應戰守事宜着實整理訓練兵馬務皆精壯  
哨探虜情務得端的調遣應援務中機宜俾禦虜之算萬全  
無遺斯副付托臣俱欽遵着實舉行訖隨於十一月二十九  
日節據遼陽副總兵趙完等各報稱河東虜酋聲勢連和  
合謀分犯要掣哄人馬攻克堡寨等因隨行鎮守總兵官  
李成梁提兵前赴河東適中地方調集官軍駐防並達賊  
分管掩伏官軍聯絡設備等因節經塘報兵部及行各寺

道將領等官加謹哨備截勦去後今准前因臣會同巡撫  
遼東都御史張學顏議照

國家設九邊以捍外夷在遼鎮實爲

畿輔左臂今西虜稱臣七鎮安堵獨本鎮諸酋時肆內侵在  
河西者夏秋爲急在河東者冬春爲甚邊人不得寧居官  
軍苦於奔命臣等屢行該鎮總兵等官協心籌筭極力經  
營思欲大加勦殺以上

皇上東顧之懷而彼衆我寡邊遠力分勢無可乘深切憤惋爰  
自秋冬以來查照部咨遵奉

勅諭開載事理將鎮兵通加選練給以新造鮮明盔甲器械並  
火器戰車通行整備一時軍容頗爲改觀節報賊犯河

臣等計議若照常行文發兵恐無濟事總兵李成梁一聞  
報到毅然請行巡按御史朱文科據報卽將副總兵趙完  
督發隨營又將官軍通行犒賞調遣旣預哨探又明前賊  
不知鎮兵到彼分布已定仍以往時輕視之心突然入犯  
以致總兵臨陣當先各管將士一齊用命始而迎其將入  
旣夾勦其前鋒繼而乘其已敗遂直搗其巢穴斬首近六  
百之多計功踰五捷之外且斬其酋首把兒太審公提二  
人奪獲達馬六百餘匹明甲二百餘副夷器無數官軍旣  
鮮損傷堡寨又無搶掠窺邊諸夷無不喪氣土蠻聞之自

當寢謀亦可謂全勝之捷矣良由我

皇上

神武布昭

天威震耀

勅書所至大小文武皆巨國不啻走流心誓滅胡虜故臣等因  
而督率鼓無備成敗之責於失利之罪至於輔臣本  
兵定

廟謨於密勿之中收虜功於邊陲之上臣等不敢妄擬所據一  
時親臨戰陣及効勞諸臣雖不敢貪

天功以爲己力但事關敷勳功不可民照得鎮守總兵官李成

梁蓄運籌決勝之謀奮雪耻除兇之志一鼓而賊鋒大敗

勢若摧枯一怒而虜穴蕩平迅如破竹值內訌了無戚容

精忠可貫金石獲夷利絕不動念信義可質神明樹九邊

間有之奇勳成萬全取勝之戰績所當特加升應者也協

守遼陽副總兵趙完謀猷練達器量沉深與主將協心決

策聲色不形同部卒戮力摧鋒艱危不避清河守備曹篋

志在策勳勇能破敵偵探不辜毫末遠近出沒之甚明臨

戰敢於登先利害死生之不避似當重加陞錄者也險山

叅將郭承恩廣寧遊擊朱良臣阜管遊擊馬文龍原任遊

擊張延賞志益堅於百戰勇俱冠乎三軍或潛師襲賊之

後塞其退保之途或挺身嬰賊之鋒大成斬獲之績似當亦加陞錄內張延賞見充終身軍應查其部下功級照例贖叙者也千總把總各營中軍備禦等官周之望楊五典等或首倡士卒鼓其先登之勇或恪遵紀律致獲全勝之功內恩雲龍長官親斬酋首功頗爲奇裴永敷流矢貫鼻幾死復生高良病原係歸正有功今又奮死破賊適應量加賞賚聽候勘錄中間有充軍立功調衛者原犯情節查之不真仍應候勘照首功多寡分別應否免解開伍復職錄用以責後効者也及照戶部管糧郎中王念革出納之

事開原兵備愈事王之弼先期振飭之惟嚴聞報監督之

甚力似應加賞賚而王之弼首王進戰極有擔當仍應酌加陞錄者也臣下令與王克舜李時徵丁憂蔡道勉遼東巡撫下典吏王廷正總兵官下掾史鄭槃俱有書辨微勞查例亦應叙及其餘臨陣有功人員甚多一時未敢濫議伏乞

皇上念本鎮時勢之甚難與諸鎮兵糧充裕者迥異憫將士血戰之極苦與一時修守効勞者不同

勅下兵部查捷功多寡之例爲陞賞輕重之差議擬上

請先將李成梁特加陞廕趙完曹簞郭承恩等並加陞錄周之

望等量加賞賚王念王之弼酌加陞賚其獲功陣亡願陞  
願賞應卹及充軍應贖應議人員並地方有無失事隱匿  
等項情由通行巡按御史遵照

詔書欽限作速覈勘徑自具

奏施行

隆慶五年十二月十五日